

Betr.: Ängschtlech Lieserbréiwer iwwer Schoul, Kanner an Elteren

Marianne,
Dir schéngt ze wëssen, wat
richteg a falsch ass. Mäi Respekt.
Sou Leit gi gebraucht. Ech hof-
fen, Dir engagéiert lech och an ei-
ser Gesellschaft, déi duerch déi
„falsch“ Politik an eis éimerfuer-
dert Kanner d'Bach ageet.

Kann et net sinn, dass Dir e li-
ichte Blosschimmer (Bloe Star) an
den Aen hutt an net frau sidd mat
de Sozialisten?

„Back“ ass net onbedéngt
d'Léisung, oder? Geet et net méi
ëm „Virukommen“, Madame
Marianne?

„De Rimm erëm unzéien“
kléngt a mengen Oueren no
Frontalunterrecht, Diktatur, Ver-
blödung, Ausgrenzung, Streech,
Strofen, viirun d'Dier, Retenue
etc. Ech spiren et haut nach mat
Momenter (an der Nuecht!).

Et kléngt och sou, wéi wann
Dir keng Kanner méi an der Pri-
marschoul hatt. Et schéngt och
sou, wéi wann Dir guet net
weisst, wat haut an de Primär-
schoulen ofleeft. Dag fir Dag.

„Well mir Ehteren dacks méi
clever wéi eis Kanner sinn.“

Ech hoffen, dass net nëmmen
d'Elteren méi „clever“ si wéi
d'Schoulkanner, hoffentlech ass
d'Leierpersonal et och – an
d'Educateuren, d'Spezialpädago-
gen, d'Psychologen etc.

An hoffentlech maachen déi
och genuch, fir hire Nerekostüm
an der Richt ze halen! (Konté-
renzen, Gespräicher, Austausch,
Supervisioun!)

Et geet scho laang net méi duer
mat engem Schoulmeeschter
oder enger Joffer pro Klass. Mir
missen haut plazeweis an zäite-
weis eng ganz Rei Erwuessener
am Klassenall hunn, fir d'Nerven
net dropzemaachen.

Dir gleeft net, wéi vill Kanner
haut eescht Problemer hunn. An
déi entstinn net an der Schoul,
Madame! Och net während der
Schwangerschaft. Och net an der
Maternité, net an der Musik-
schoul an och net um Schachtrai-
ning oder um Fußballstraining!
Dir wësst jo sécher wou!
Mee si weise sech an der Schoul
an op aner Plazen, well se sech
doheim net dääerte weisen, well et
do op ville Plazen nach sou ass „à
la Rimm“ oder well keen „do-
heim“ assi Verstitt Dir, Madame
Marianne!

Do geet et net duer mat „Back
to Basics“ at mat engem Lach méi
am Rimm! Ech denken do éisch-
ter un eng Erziehungspati fir Elte-
ren, déi hir Kanner doheim erzéi-
en; op jidde Fall net un eng Prime
(Chèques), wann d'Elteren
d'Kanner „émsedelen“! Ech den-
ken och un Eltereschoulen!
„méi Wäert op Titelen ewéi op
een „anstännegt“ Grondwëssen
leeën“.

Wat heescht dat dann? Dat
hunn ech awer elo guet net ver-
stan. Mengt Dir vläicht domad-
der, dass haut nach Leit Schoul
halen a guet keng Ausbildung
hunn? Kennt Dir z.B. Fraen, déi
Léierin sinn a mol kee Secondai-
re gemach hunn, wéi dat am Ge-
setz steet. Ech net. Oder „diplo-
méiert“ Hausfraen, deenen de
Plafond doheim op de Kapp ge-
fall ass, an déi „Educatrice“ spil-
len a Foyeren oder ähnlechen
„Kannergäert“! Ech net. Wann et
där sollte ginn, dann hunn d'So-
zialisten déi awer hoffentlech net
agestellt ... Vläicht war dat dann
éischter „frëndschaftlech“, profil-
neutresch, geltungstüchreg Ge-
mengenpolitik ... (Employée Pri-
vé bei der Gemeng?)

Ech gleewen net, dass et sou
Fäll ginn. Mol net zu Hamer-
wäinhouschent oder Uewerbéi-
derguddelt. Wann natertlech an
enger Braueri oder an enger
Fëschbach villes ausser Kontroll
geréit, well vill Leit Leit kennen,
déi e kennen oder Famill hei an
do hunn ... keng Ahnung. Gott
sei Dank kéint elo endlech e
Fuedem an dat Ganzt!
Anscheinend stellt de Staat jo
och an Zukunft d'Leierpersonal
an, net méi den Hingerbauer Jem-
pi vun Nopeschduert.

Pertékt ass näischt, Madame.
Duerfir si mir jo och do, fir dat e
hëssen ze kontrolléieren.

Dir an ech, z.B. Duerch Lieser-
bréiwer oder hei e Kräiz, do kee
Kräiz ... oder soziaalt Engage-
ment.

Mee vergiesst eppes net, léif
Streber-Elteren:

An deenen éischten zwiellef Jo-
er vun engem Mënsch geet et ëm
de Mënsch an der Entwécklung –
net ëm de Mënsch an der Aarb-
echtswelt an enger Zukunft, déi
kee kennt. Esouguer d'Politiker
net!

Pierre Posing